

小倉山房詩集

小倉山房詩集卷十八

錢唐袁枚子才

小僕琴書事我有年今年贖券去跪辭淚下作詩
送之

都兒洒淚別陽城來是垂髫去長成人好纔能八年任
春歸那忍一朝行交還鎖鑰知誰託欲掃樓臺誤喚名
總爲香山居士老楊枝駱馬倍關情

代琴書答

畫梁春燕去猶悲況是奴星別主時洒掃應教新隸學
性情惟有舊人知書防起蠹勤翻頁花爲宜瓶巧折枝
交代兒家諸火伴婆婆莫怪出門遲

一作神雀三年買奴
券袖中擎山淚如絲

題沈秀君抱書圖

東陽有哲人著書盈其屋不鑿楹下藏但付子孫讀其
子亦老矣抱書如抱翁一刻不相離與之偕西東酒闌
客散時讀之聲噫噫

丙辰徵士錄我最居紙尾曾與著書人召試明光裏忽
忽三十年書存人已亡倘非兒抱持雷電早取將我有
書無兒披圖淚霜裳

寄魚門舍人一百韵

良友經年別空山有客悲爲憐新歲月轉憶舊交期袁
槩通門日程生傾蓋時長淮清口驛古廟水仙祠令尹
猶青鬃司空已美髭笑言何晏晏風貌頗惇惇能愛張

長史才憐江總持，潼陽儂綰綬，湖嘴爾乘騅。路過頻投
宿，官閒輒枉綬襟懷，似膠漆交好。及填簾令弟，璠璣器
賢，兄虎豹姿，稱觴分筵。日折柳，定連枝，維珮同摩弄。卮
言互詆，棋相看，顏沃若。屢忘夜何其，經紀勞，勝叔資糧。
託趙燕，海疆爲政，滿琴鶴向南移。來下陳蕃榻，同看街
彈碑。評量循吏傳，傾倒落花詞。卧疾煩，秤藥行藏，代揆
蒼愛人真，以德好爵，不教縻。予戊辰引疾舍人勸之此際先生富
豪名，萬口推丁年。羅寶墨，甲貨擅鹽池。難行賓朋集，虹
霓鼻息吹。無交猶縞紵，未病已蓂耆。鄴架瑯嬛，物沍中
稷下。兒搜羅窮亥豕，排列滿架。恩漸見銅山削，遙聞粟
廩卑。奔秦無晉盜，殲遂有齊師。張博空餘債，相如竟少

貴豐貂都解庫素履欲騎危拔宅才終訟含英詎療飢
窮通奴僕換肥瘦弟兄離老妾捐釵珥嬌妻鬻廢屨誰
知遭索莫不是累遊嬉生性原通脫爲儒好布施行仁
朝煦煦履義慕跂跂北上蘇秦轍南征子重麾嘘枯鄰
潤澤溫卷禮委蛇守藏頭須竄持錢石氏欺牢盆他手
寄輟錄此身疲兩度鸞膠續三年帶下醫杏殤兒女累
楊桴友朋貽河決流難舉門開閉已遲代人權子母先
自罄鉢鏹米慮船無底歸墟水不支八厨名太重六虱
病難治且喜貧雖極斯人總未知九流談衮衮百氏校
孜孜杵硯心成日焚膏日下帷勤同夏候勝勇甚狄虎
彌七穆三桓問千門萬戶疑播磨珠貫串隸事錦參差

高可箋星象低能畫地維吟成銅鉢待賦罷曉鐘催瞿
所詢方朔鐔于辨斛斯苦心神自鑒爲善福終隨風順
旃檀馥文高黼黻宜 乘輿南駐蹕多士例陳詩獨上
金天頌頻頌 聖主順御屏標第一海內賀相馳覆試
端門左排班白玉墀盈庭看舉首歛步習朝儀洗盡科
名恨欣霑雨露滋輕飄長似戟冠大稱如箕薇省清嚴
地水廳誥命司聽人呼小鳳頃刻駕文螭連歲來江左
偏予接履綦春深烟滿樹秋老菊侵籬大會夷門客高
傾河朔卮燈光奪明月花影動玻璃衆裏談尤密更深
枕尚欹回愁分解脫三樂共淋漓犬熟先銜帶僮馴慢
捧匱書探邊氏腹酒習沈家脾爲看泥金榜先傾白接

羅聞君上鰲背勝我拔蠶旗腸斷驪歌唱年俱馬齒衰
班荆情宛轉握手淚紛披已向棲霞送還從邗上追淒
淒同下拜恨恨兩難辭嗣後三山叟真同一足夔漆園
仙蝶化羊館老龍癡君子雖安雅何人共振奇皇皇喪
家狗霍霍失鷹師小減樓臺費長甘水竹怡巾車走吳
會蘭漿泛鴈夷女嫁新婦矣兒生且聽之時兩姪懷孕高堂
猶健在萬事等閒窺想見彈冠客公然向日葵鳴珂趨
殿陛待漏喚僮厮僊馬初銜轡維難豈憚儀將無遂廣
樂孰與辨渥淄王意揮人述民情計相咨遭逢雖偶爾
公輔定從茲山下常西笑長安似奕棋鱗鴻探信息金
玉憶鬚眉史劄班彪入開纂修通鑑除書常袞爲勉旃犀兕

角豕見豹留皮吏隱鴻溝勸人天萬里思堪消一千字
舍子更貽誰

苦囑

苦囑司閭叟柴門莫漫開有時推不去一陣野鷗來

題永竹岩雙美讀書圖

侍兒兩個女相如管領牙簽逐蠹魚供得年華消得恨
美人顏色古人書

哭柴耕南

君家行之姪交我方垂髫因之得見君如漆初投膠君
年過三旬玉骨森清標爛爛岩下電溫溫席上瑤我來
才十八墜地虎子驕意氣欲摩天落筆尤嚶嚶樹無大

根本水有狂波濤駐旗不書降逢戰必欲鏖武林老名
宿惜其年少佻飛言如雨攻赤舌將城燒君喈曰否否
此子終凌霄孤山梅花樹西冷楊柳橋爲渴置茗具爲
飢設臠臠賢兄洪都來卓犖人中豪以愛及所愛握手
如同胞我時賦西征寒冬無敝貂賢兄資我行長江爲
買舸釣臺攜手登滕閣同車遊或瞻韓孟韻或贈舍人
最高安官署中諧語窮昏朝此時燈燭光至今如隔宵
贈我赤側金才得揚征鑣桂林金中丞專章薦封敖從
此走長安奮翮登金鏐改戴惠文冠鳴騶行江臯君來
助相理除苛更解媿以我所贈資却買吳娃嬌亡何棄
之去南觀湘江潮余亦賦遂初小隱歸山椒從此隔東

西芳訊久寂寥丙子冬十月忽寄書相招代持箋箋帛
勸麾孑孑旋余方奉老母五斗難折腰奚能擁鼻比遠
走楚粵郊此事竟掉磬此心猶鬱陶忽聞怛化去同人
先號咷未知返觀無何處掩蓬蒿未知有兒否誰爲守
宗祧因之感我懷掄指自抑搔四十九年中何者常怵
怵蒼生君相在久已心中拋文章身後名於我浮雲飄
惟有數知己恩深淚難消傾蓋猶繼繼刼乃弱冠交問
我推解情已慚范叔袍問我死生諾又慚左伯桃來生
爲兄弟此權非我操泉路盡交期此說終虛要惟有託
豪素長歌一慟號梗概畧抒寫風雨聲刁騷

二月初六日生一女

墜地無人賀遙知瓦在床爲誰添健婦嬾去報高堂妾
想能招弟佯懽且慰娘江干好黃竹打慣女兒箱
左家詩料好伯道老懷嗟味似餐雞肋情疑中副車前
裙製文葆醜面趁桃花嫁恐非吾事驚心兩鬢華

刀

出匣一條水寒光射眼來非關報仇事生就殺人才斜
月當空冷秋連帶雪開他年川君處含笑請君猜

筆

上手得風雲花生處處新天交三寸管命作一朝人非
箭常穿札如仙不染塵思量與君絕終要等麒麟

寓日卽書

禾熟頭低麥熟昂冬天雨暖夏天涼
蜘蛛網小如錢許也展經綸據一方

海棠下作

神女儼成行蕭齋雨海棠吹紅風亦軟
驚艷鳥先狂置鏡傳嬌影張燈助晚粧
料應香不得業已斷人腸
國色天原寵東風盡力開仙雲如海立
紅雨作潮來消受難爲福形容苦費才
遙知花命婦魂尚赴瑤臺

贈楊將軍

名崑

作虎須成斑不戰難名將國家承平百餘年
凌烟有閣無人上楊公儒者今輩舉起家
西蜀征南苗橫披襲瓦三千甲斫折孤延
十五刀金川凋樓與天接鳥飛不上

猿猴絕將軍目作蒼鷹視騰身直上疾如矢一甄兩甄
鼓不止雲梯隊隊銜其尾三軍齊唱肉飛仙半夜崑崙
關奪矣當空礮石雲雷奔將軍見敵不見身偶中金創
色愈怒殺賊遙看紅一路捷書馳報甘泉宮 玉旨傳
宣賞戰功諸將喧爭公獨暇閉口無聲大樹下於今專
閫來江南雅歌投壺斜插簪平生塵極臯蘭事洒罷微
聞說二三梅花開時山月明手彈瑤琴招我聽瀟湘雲
水清商老彷彿沙場金鼓聲

偶成

有寄心常靜無求味最長兒童擒柳絮不得也何妨

喜懷慶太守沈省堂過訪

故人久別忽相見一笑道從天上來驚指鬢霜幾時有
喜逢紅葉當庭開二千石官車騎盛三十年事風輪催
我欲班荆學薛平泣下數行腸九迴

記否參軍作馬曹憐才學士有枚臯旁妻酒勸西賓醉
遊子床聯夜月高轉眼山陽聽玉笛至今燈影憶宮袍
與君貧賤叨恩處同欠喬公一太牢謂奉臺學士

太行山色一官收怪底新詩咏未休立馬身當河內水
黃河決壩公紀恩碑滿晉陽秋相招小佐聽黃鳥幾介
同年賡白頭寄語南衙姚散騎故人爲我好勾留公寓姚觀
察署

偶作

一編書卷送華年
吟禿眉毫孟浩然
春水有時流舍下
雲山難得在尊前
青苔地濕連陰日
白紵衣涼細雨天
自覺心中無底事
且憑人喚作神仙

燈舞歌

丁丁暖漏春無風
華堂地裊氈毹紅
清絳流管聲漸緊
催起明月來當空
仙伶一羣貌如雪
霞帔風鬢紅錦袂
裙下疑生五色雲
手中能把星辰活
一燈初出飄紅香
玉女微笑流電光
兩燈交竿相擊撞
釵影珠光共升降
千燈銜尾如雲流
陸渾山火勢不休
黃金危闕水銀海
萬斛螢飛大業秋
斜穿側落重起勢
太乙青藜作遊戲
長袖風回捲落霞
霓裳鶴立排成字
映來酒浪臉邊紅

照出歌塵梁上細一聲清磬將終曲燭龍隊隊銜珠伏
滿堂賓客眼生花三日烟虹光繞屋主人索我燈舞詞
我方惆悵有所思當年却扇催粧日正撤金蓮歸第時
望山尚書以七十生辰作和仍督兩江奉賀四首
久遲枚卜識君恩留與先生慶七旬調鼎人來雙鳳
闕稱觴花滿一家春華平兩世黃扉業伊呂三朝白髮
身同是祝公無量壽自天傳下語才真

紫禁城頭駐玉車青宮深處女兒家萬釘寶帶天邊賜
十部笙歌宅裏譚北面公侯爭把盞東床帝子替簪
花休誇與佛同生日轉恐光榮佛尚差公生日四月八日
生與南邦最有緣四回江上月重圓兒童竹馬頭成雪

官舍甘棠樹拂天聽說相公還借寇喜教士女更留仙
齊聲擬向 君王奏一个蒼生乞一年

三公在外學張溫詩識真如弟子言新築沙隄迎使節
剛調梅雨到江村西清趨侍身雖遠故事宰相上任仍至翰林衙門收假
不獲東閣常登客亦尊欣染名山一枝筆他年還紀杖
朝恩

董暢菴守視圖

先生守視當守錢手持片石山溪邊松風吹衫雨絕天
濯以清露飲以泉摩挲不釋相愛憐劇於十五真嬋娟
口稱南渡君宗傳隴巖膏沃生雲烟非徒敢後兼承先
我更一言君軼然人生何物堪纏綿親如妻子良如田

東西南北雖周旋惟有囊中石一拳死前不作離別緣
舟車水陸行坐眠隨身到處無相捐心所沉慮將渠研
口所不言仗彼宣我髮白矣汝獨元紫雲容貌常華鮮
守之作殉非恩偏先生大笑手拍肩能得我意君其仙
速付圖畫徵詩篇更願此身如石堅藏墨足支三十年
染盡巴東九萬箋

苦

白日不到處青春恰自來苔花如米小也學牡丹開

送省堂南歸

愁君有歸心喜君無歸日忽然君來辭歸日又已決憶
昔與君交垂髫雙白首今日與君會頭顱鬢雪其中

三十年竟成一世別逝者已如斯來者更難說冉冉五十翁茫茫東西轍一鳥不停飛一鳥永戢翼升沉既已殊雲泥空相憶倘再如前期人生非金石

糧儲姚觀察君家中表親與僕少相狎春秋同丙申

皇帝戊午科三人充國賓君官始於晉子隱歸自秦思廉爵最貴驄馬長安春吏隱旣以隔芳訊少通聞忽然金陵風吹聚雲龍影南衙方開樽西山又煮茗班荆言未終玩月燭重秉如彼三珠樹斷枝復交梗又如三分國鼎足竟合并深情荷花知高談仙鶴領良會非偶然誰能向天請前生香火緣毋乃有公等

仕宦六百石已足稱雄豪况乃五馬驅深院蝶愈嬌

寄內詩云深院蝶嬌無語坐

從前冀黃纈遠布趙魏郊於今安石起

甘雨慰良苗僕也抱區區禱祀相招要願君仕勿遠祝君官勿高仕遠與我隔思君空鬱陶官高與民隔難以施恩膏安得大江南看君麾旌旄我老當扶杖來聽甘澤謠

從來故人酒不及石尤風風能留人行酒但澆顏紅君昨寄書來暑退君將去我乃祝西風緩到留君住果然秋陽增行期屢改卜家家加饒君日日同徵逐炎涼天所司爲我猶宛轉車輪君所推如何行竟遠小住復小住一日如千霜問我相思情江流共短長

不寐

一雨百花休三更萬籟寂觸耳不成眠風枝墮殘滴

相公見贈素心蘭開而心亦飛章求易竟蒙諾允
事須過後真才見花到論心淡亦難上相許將芳草換
空山重得瓣香看明知華屋栽培久恰稱幽人臭味寒
速抱青琴彈白雪爲蘭州帳爲予慙

步山下作

暑退風清步竹林荷花枝上結層陰憐他吹散閒雲影
曾抱爲霖一片心

染鬚

隨園居士墨者流持螯日向染人謀明知其自姑守黑
老聃此義吾能得初將染豆熏纔用犀簪掠一入再入

爾雅詞爲繙爲元考工法旁侵時笑面粧花唇黑方知
爲戲虐人疑揚子註元經我道先生逃白學當時漢武
求神仙金丹未必還朱顏何如王莽一夕變鬚髮六宮
明日迎嬋娟才看青青色旋露星星貌二毛不肯久欺
人時時將老來相告我昔留鬚已惆悵於今鬚也非前
狀像像空爲短尾刁飄飄不作長鬚相惜把丹青用此
間不教畫向凌烟上西風拂袖秋雨涼手持明鏡愁秋
霜且將黑水西河郡賜作髡奴湯沐鄉

病中贈內

宛轉牛衣卧未成老來調攝費經營千金儘買羣花笑
一病才徵結髮情碧樹無風銀燭穩秋江有雨竹樓清

麟卿每問平安信不等雞鳴第二聲

賀雨林得侍衛

青袍公子帝城陰
新得貂蟬耀羽林
使相門高燈報喜
山人耳冷鳥傳音
雲霞近日黃金色
鵬鶚當秋碧海心
我夢尋君難識路
綠楊圍住萬花深

得雨林塞外書

一封書共雁南征
紙上親標塞外成
想捲雕弓歸細柳
偶看故劍動深情
鵬驚落筆盤風下
馬感懷人繞帳鳴
知道江南君不忘
趨庭身向夢中行

偶成

高枕等紅日天陰
屢悞人辭賓
宜小病多夢惱
深春曉

色水花靜晚歸山鳥親自知
夜懶卧佛久疲津
溪上時獨釣一絲牽藕花
閒鷗相對立依水各爲家
落日未歸海殘紅入斷霞
蕭蕭修竹裏兩兩出啼鴉

贈李鶴峯學使

天上台星月共明
人間金鑑水同清
十年江海旌旗色
半壁東南雅頌聲
入相屢教遲使者
求賢原本爲蒼生
珍珠網盡珊瑚老
秋雨蕭蕭戀闕情

曾從物外散襟期
往歲衡門駐馬時
黃葉風涼牙纔舞
高軒人過水雲知
雙飛鷗鷺池邊識
九錫廬山扇上詩
只爲陽春太清絕
至今作答尚稽遲

乙亥秋公過隨園贈詩四章

龍眠山人歌贈孫秋澗

龍眠山人孫思邈結廬山中不知老朝朝翠岫捲簾看
處處白雲呼鶴掃春風吹山山漸青山人欲往前溪行
牧童高唱公無渡落花塞斷行人路

病起入謁相公夜歸有作

中秋一別鬢霜加舊雨新寒共絳紗高卧客原宜小病
晚香人自愛黃花公手植菊如斗月如潑水燈光澹風正鳴條
雁影斜少婦不知聯句苦尚疑身宿相公家公命聯五律二首歸四更矣

十一月十八日又生一女

真是庶人命雌風吹不清綠何長至日轉報一陰生客
厭來偏數棋輸劫屢驚呱呱雙瓦響添作惱公聲

相公和詩

屢盼徵蘭信催詩記不清花雖衝雪發子尚待春生
弄瓦新兼舊聞啼喜又驚勸君莫惆悵雛鳳有先聲
喜吳秀才模周秀才發春一時同舉明經

采鳳雙飛出泮宮公然魯國兩生同我夸籍湜居門可
人數班揚在意中貢到南金江左重拔來騏驎馬羣空
明知才大科還小且喜雲梯路已通

臘月五日相公招同秦學士大士蔣編修士銓小
集西園各賦四詩

小集平泉夜舉觴春風座上不知霜偶然元老開東閣
難得羣仙盡玉堂聚戟光搖銀燭爍盆梅花落酒盃香

遙聽官鼓今宵緩道有文人話正長

平章坐次問科名掄到袁絲忽自驚白髮門牆登首席
青年詞館憶三生雲龍遇合都歸命師友淵源各有情
起看文昌星聚處一輪卿月照階明

劈錦燒蘭興未除牙籤玉軸共相於指將松竹時懷舊
對著笙歌尚論書老圃氣清霜影後宮袍紅濕酒痕餘
史官環坐同商權權把南衙當石渠

出門我獨後諸賓更與郎君話夜分旗捲待飄殘臘雪
堂深留住遠山雲通家問字燈重剪歸路衝寒酒不熏
明日江坡人側耳詞林典故共傳聞

相公和詩

前宵猶記共飛觴客散歸遲滿路霜花送春光開小院
雁橫寒影過西堂每看遠岫雲難出頻讀新詩口
正香燈下不辭呵凍筆吟聲過答漏聲長

敢夸綠墅舊園名滿座詞人鶴亦驚四野連宵飛瑞
雪一堂兩代有門生秦學士以弟子禮事予追隨館閣當年事商畧文章此日情莫負尊前好風景金燈
光映月華明

漸漸韶光逼歲除山中老伴孰相於窗前日暖閒欹
枕竹裏燈明夜讀書見面難如千里外論交喜過卅
年餘小倉也做棲霞意聞又新添水一渠予才非請
知君日日作嘉賓刻蠲分題到夜分爲惜韶光憐舊

雨屢教塵市度間雲子才與莊魏諸君作消寒會詩同白雪人難
和顏似紅梅酒半醺明歲江城誰雅會黃扉雖遠合
傳聞

錫壽堂公讌詩有序

乾隆元年余與王生同太守偕升名于鴻詞科
今年入都領鄉宣州亞相劉繩庵率諸徵士餞
諸錫壽堂堂爲生同大父文恭公故第三十年
來同人寥落與者七人庶子錢坤一爲寫七清
圖各賦數詩憶枚召試時裁二十一歲在徵
士錄中最居贖尾今又以不與會之故題詩亦
居紙尾豈有數存乎其間耶卷中闕五律一證

爲續成之

王粲同徵日袁絲最少年幾番隔江海卅載過雲烟
皓首重相見滄桑說舊緣長安公餞者落落曉星懸
酒盃平津閣燈明錫壽堂風前懷祖德雨後對花光
人老衣冠古園深水石蒼分幾廢白雪還似咏霓裳
有客登黃閣無人不白頭八仙才咏罷五馬復南遊
庶子丹青妙草公翰墨留蕭疎松菊意莫忘歲寒秋
盛典恩難再交情老更敦江村餘我在海內幾人存
遭際前生事文章舊雨痕數行書紙尾兩處付兒孫

贈生同

雙旌小住子雲亭名紙初看眼倍青四海徵車人已盡

兩朝殘客話重聽霓裳同憶遊仙夢錦字分存感舊銘
君催粧詩枚送一笑入門先拍手道儂也會髣星星

江南烟景一帆收洗盡風沙宦海愁循吏傳名多太守
詩人領郡慣宣州雲間家近無鄉思郭外山清足勝遊
同是大賢門下客幾時立雪共閒鷗公丁未進士出望山公門

俞楚江瀟湘看月圖

沙渚一聲雁瀟湘秋滿天幽人方獨往空水共澄鮮
明月乍離海輕雲欲化烟魚龍聽笛知是小游仙

八月六日宴秋試者頗星橋等二十二人張燈樹
上適學使榮瑞峯少宰亦來與會

八月龍魚赴上游玉山高會草堂秋九天星斗三更落

四海才人一座收戲把青藜燃太乙相期赤手占鰲頭
是誰來作諸生兆梁灝花間擁八騶

臘月五日相公再招觀劇命疊前韻

西園一月兩飛觴細雨初飄冷似霜游夏多年雖侍側
絃歌今夕始升堂收受業三十來遲竊喜賓朋少羹好
頻添齒頰香莫訝黃昏蓮幕捲一聲檀板韻方長

烟花南部舊知名見慣司空鳥不驚到眼悲懼憐往事
登場傀儡感浮生豪吟每怪公無倦微笑終知佛有情
報道周郎能顧曲金燈須傍舞筵明青原短視
故戲之

風景蕭蕭歲欲除師生難得共相於閒來置酒先招隱
老去聽歌當讀書玉笛聲涼殘臘後梅花香撲捲簾餘

席間頗憶倪高士教把新詩索向渠

公命潛山倪令亦和此韻

野人連日作嘉賓東閣憐才到十分酒罷人驚意外雪
山空鶴盼夜歸雲每依絳帳心難別但坐春風客自醺
不負彭宣生白髮後堂絲竹此番聞

小倉山房詩集卷十九 乙酉

錢唐袁枚子才

題蔣茗生太史歸舟安穩圖

金仙侍香案忽思歸去來上堂告阿母母曰與汝偕聞
住雞犬驚聞歸妻孥喜阿母更欣然歌詩七章矣
陸行風沙多水行布帆穩船頭酒一卮船尾書千本行
行重行行順逆隨風牆難得一家春舟如小洞房

婦見遠山佳索郎把眉掃兒見溪水清呼爺垂釣好篙
工亦停櫓問公何所往公笑指烟中鍾山本姓蔣

哭皖江方伯許公三十韻 諱松侏福建人

江左亡屏翰 中朝喪老成官從流外起人在上中行

好學分陰惜憐才倒屣迎計偕隨趙壹幕府出匡衡稅
駕三吳地褰帷百越城神臯清化雨王路塞夷庚荒政
千村活爰書萬獄平張弓寬處矯買璧厚邊爭野有藥
公社家無羊侃箏傷人還問馬嗜雁不呼卿小謫遭波
累崇朝雪 聖明鏡磨光愈白風定水仍清封罷三錢
府重揚五馬旌皖江方伯始布政司駐劄安慶自公始吳楚衆山迎
斗食籌邊急牢盆握算精掉頭雖白髮舉念總蒼生欸
欸風常拂謙謙谷不盈只緣深閤歷彌復造真誠與我
同寅好逢人說姓名廿年如一日每見必三更視病蒙
秤藥投瓜愧報瓊雲泥忘定分編紵極深情往歲來招
隱空山共聽鶯相看微覺老永訣不勝驚琴輟鍾牙響

春停杵曰聲善人爲世惜驚馬向誰鳴瞻望甘棠樹淒涼宿草塋九原懷士會一慟感袁宏遠寄詩三疊聊當奠兩楹重泉如識曲衰淚也盈傾

五十歲生日舟中作

三月歸未得五旬忽在躬晨興憶生辰獨坐對孤蓬平生幸早達歲月原從容每見半百叟夷然不界胸自謂去之遠相隔如十重何圖遽自及光陰來匆匆古人服官政到此成事功翁子最晚遇亦復夸遭逢而我復何爲雙鬢徒蒙茸簪纓既了鳥事業復籠束來日欠亦少去日積已空旁人稱介壽掩耳聽未終頗如女新婚言之兩頰紅羨殺馮瀛王生日俱朦朧且喜揮羽扇渡江

唱阿童稱觴無賓旅桴有舵工冉冉碧流水蓬蓬遠
山風誰能指烟波中有五十翁

名言

名言誰與宋雞談海上仙山可築龍將乙比鴻身豈二
出遊騎馬影成三中書肯把徵歌換僕射何如飲酒甘
且逐蜘蛛充小隱不隨牛象鬪江南

東風

東風知我年將老吹得楊枝如許長偶過西溪小橋畔
向人學舞雨三行

偶作五絕句

種樹成香國關門作睡王近來客解事都不早升堂

偶尋半開梅閒倚一竿竹兒童不知春問草何故綠
怕見有求客不栽難畜花無心作投贈狂竹入鄰家
月下掃花影掃勤花不動停帚待微風忽然花影弄
好學原爲福無情不是才吟詩推客去開閣放山來

姑蘇紀事

不負昇平有此身姑蘇二月作遊人燈篷綵勝迎
鑾處代插梅花掃路塵

滄市嚴關徹夜開雲階月地總樓臺碧波兩岸清如鏡
照見紅粧海樣來

一朵仙雲耀眼前相思無路水如烟桃花門巷渾忘記
崔護當時更惘然

隊隊笙歌對落暉紅裙不放酒人歸消魂此日山塘路
七隻仙舟妓打圍

但逢勝景便勾留錦帳香燈汗漫遊何處有花何處宿
果然蝴蝶勝莊周

寒山空谷雨平章穿出花樓上竹房知是 六龍才過
處雲繳水瑟尚宮商

平生嘗遍五侯鯖崔浩常思著食經此日書空作唐字
金鹽玉豉總仙靈唐厨精絕

良友知儂怕寂寥青樓苦勸伴嬌嬈誰知小玉奄奄病
嚼蠟積陳是此膏

雙雙公子駐征驂引入鄉嬛酒共酣一夜羅幃傾海水

者番春色領江南

袖得西湖嶺上雲歸來重關水犀軍弟兄真是皇華使
到處摳衣見小君

詞樹齋雨林

妬女津邊一鴈飛羽林郎別淚沾衣惹他烏鵲橋頭笑
不信仙家有是非

日暉橋下小銀河匹馬黃昏獨自過夢醒忽驚衫袖濕
阿候分與乳痕多

手種橫塘柳一枝當年換馬別袁絲今朝相見添惆悵
含浦珠還有所思

金娘顏色照銀泥一白能教衆卉低七日春風等閒度
斷雲含雨又東西

屢夢游仙記不清
吾家大捨有風情
直須喚作宜春氏
同上高樓看月生

二十年前髻未華
曾披宮錦住唐家
而今賓主頭俱白
愁對紅梨日暮花

賦別匆匆唱惱公
雲華重作主人翁
自憐隻履西歸客
尚有瑤池席未終

再題生同公讌圖 有序

余題生同公讌圖畢
卽往蘇州生同捧檄來省
竟未交付及余還山而君已怛化於毘廬庵矣
展卷懷人悽愴不已
重題二律付令嗣紹曾顯
曾爾太史藏之

屬題詩就君何在老淚重添落卷中聽捧羽書來白下
竟歸兜率泣春風卅年見面交情畢四品羈身宦局終
腸斷伯恭徵士頌山河零落酒壚空

追酬人日懷高適重答遺書感孝標半月宣州官草草
一燈僧寺雨瀟瀟銘旌歸緩愁清俸公讌詩成當大招
難得瑯琊雙玉樹已傳家學到丹霄

送似村公子還長安

芳草綠未歇公子歸匆忙清晨來辭我雨泣沾衣裳道
是昔時歸嚴君領南方爲有趨庭職思君便治裝今歸
非昔歸使相入平章全家還闕下後會真茫茫我聞斯
言畢中懷惻以傷長安三千里飛鳥嫌路長何況山中

人終身辭帝鄉我心欲待君南北永相望我年不待君
垂垂髮已霜

君家瓊瑤枝森森十三樹偏君最有緣十載江南住袁
浦初握手玉質披烟霧白下再題襟賡歌更無數每升
夫子堂先與郎君晤談深月窺人坐久竹垂露官鼓測
歸期書燈引前路欲起定苦留相扶必同步當時不知
樂此日空追慕明知終有別不料行當去依依柳色新
冉冉春光暮從此過西園書窗怕回顧

皇帝重真才科停六七載養君晚成器畜極將有待今
年秋闈開出匣千將快努力策修名韋平業可再我似
識先幾丹青將君畫一卷隨園山五人竹間話誰知把

畫圖卽以送征蓋君身雖已行君貌依然在身在青雲
間貌在白雲外流傳千百年知我兩相愛

同梅岑送似村渡江同宿浦口別後却寄

送別到江盡過江別更難我不解此苦搖槳登木蘭情
惜梅岑子與我同舟去三人野店眠纏綿到天曙不願
留君駕只願留長夜長夜永不明君從何處行雞聲忽
嚶嚶喂馬聞僮僕僮僕慮人惱詭言天尚早恰恐行太
遲前途旅店稀忍心勸君走登車重握手此手終要分
兩淚徒續紛君行淚不收我歸淚更荒脉脉復登舟滿
江春水愁

望山相公扈 蹕南門墜馬損足賦詩奉懷

三公雖坐論四海望行春爭奈從龍日翻驚墜馬身履
聲天聽急難解御醫頻速報君王愈馳詢已七人
聽說扶宜祿還能侍玉除陽春真有脚緩步且當車示
健安朝野懷歸畏簡書王臣真蹇蹇一笑晚風餘

早年

早年爲政早歸耕別是人間一性情老恥逃禪心定力
貧能行樂仗聰明也知畧有今生福未必全無後世名
檢點殘書聊自慰古來傳不盡公卿

何秀才將售出園林畫圖屬題

烟雲一幅輞川圖何點從前此讀書樓外雨花帶塔墮
溪邊風柳隔橋疎山雖已賣空存畫卧可常遊轉勝厖

修葺不需題咏滿子孫開卷卽吾廬

嘲眼鏡

眼光原自在爭仗鏡爲能縱使窮千里終嫌隔一層有
繩先繫鼻無淚已成冰徐偃不亡國瞻焉便可憎荀子
王日可瞻焉卽近視也

座主大廷尉鄧遜齋先生自蜀之長安泊舟白下
恭送四章

萬里峩眉月吹來江上村師生重握手僮僕盡消魂髣
髴霜如許滄桑事莫論攀裾難忍淚二十七年恩

賸有升堂客王褒及李冲

門下士王發桂
李棠俱官白下

三人齊北面

一席坐春風桃李花全老金燈帳尚紅先生應莞爾吾

小倉山房

卷十九

七

道在江東

欲慰蒼生望全家蜀道還衫痕巫峽雨帆影白門山木

鐸三江舊萊衣廿載斑

乾隆九年公宣諭江南遷大廷尉卽乞終養

卽諭公

出處久已重人間

繞屋花千樹關門手一編能教有今日爭敢忘當年路
是長安近書憑旅雁傳只憐垂老別白首拜江天

送望山相公入閣詩

平章秋後入 楓宸消息愁教父老聞朝裏自然需上
相人間未免戀慈雲當時澤只三江占此日恩同四海
分儘把嘉謨作辰告遭逢難得 聖明君

金陵久住似家鄉此別知公也斷腸蕭寺鶯聲何處聽

棲霞山色爲誰蒼
水寬魚忘遊時樂
春好花留過後香
卅載軍民如一夢
東風吹淚滿甘棠

記從弱冠侍蓬萊
老去心情倍愛才
山徑偶然元老至
軍門常爲野人開
牙旗月落宵傳簡
燕寢香凝畫舉杯
此後荒村好風雪
更誰騎馬送詩來

驪歌一字一深情
唱到陽關結尾聲
黃閣人行秋萬里
青琴絃斷月三更
重披絳帳知何日
已傍龍門過半生
到底思公公不遠
中台星照大江明

陶西圃從樂平遷司馬需次入都
攜前所贈姬人及子女重過隨園

一枝花贈十三年
白首相逢倍黯然
難得雙雙人共至

呼兒挈女拜燈前

太行山色雁門霜半落琴堂半洞房今日藍橋重過處
白雲猶鎖合歡床

愛讀新詩見典型怕聽流淚說家庭人間竟有龍欄氏
願乞開皇賜孝經

長安此去再登朝定與羣仙話寂寥道我閒身雖耐老
也陪公等髭蕭蕭西園前至長安道已未同年無不白頭者

關河行色正逢秋珍重加餐唱莫愁彈指晨星能有幾
此身須爲故人留

五言一百韻送高槐堂別駕還武康

作吏非作儒而道實相須讀律非讀書而理實無殊平

生牧民時曾抱此區區從不向人道慮人嗤我迂亦不
求諸人其人今恐無有賢者高公玉貌何清臞初見在
邢江行安而節舒司馬青衫破伍伯赤棒廳拔豪如拔
韭用吏如用奴常宿辛公廳勸栽鄭公榆奇服怪民風
一旦多騷除止我而觴之同席有唐衢謂唐其時興水
政史起治溝渠草物十二衰公獨窮根株未幾來白下
朝夕親軒朱綺文與善法耳聞且目濡宅心最醇粹視
聽無陝輸重典極蕭楯寬心抱王鈇蘇公不留獄訟者
舞于途韓滉禁刑牛五施土不蕪小吏畏剔剔背面相
擗揄大吏愛精勤微微嫌其拘公乃莞爾笑吾其病矣
夫人生過六旬豈不知頭顱玉佩而長裾原不利走趨

投劾移病去飄然賦遂初父老一聞信戚戚相歎歔兒
童及婦女各各鼓嚙胡道有此衙門從無此大夫願公
車轡互願公馬契需水歸海蕩蕩民歸賢愉愉我乃向
民言公賢止此乎昔公在江右循聲遠 帝都初綰銀
城綬後剖潯陽符所到士鳧藻所治民知姝司寤禁宵
行誰敢攘公踰門匠稽黃籍外繇無逃逋門內方喝盧
門外已呼騶前巷方盜囂後巷已縛祛一士陷于獄臨
死將公呼道公尚在茲我豈陷于辜一孀爲盜纂公誓
取荏苒不得竟不止網密驚秋荼秀才聞公來書聲爭
咿唔各持其文章啓戶迎雙鳧農賈聞公來利器而持
鋤弟知敬其兄婦加孝于姑宣尼大成殿李渤甘棠湖

岳王金陀祠周子蓮花居一一加脩濬簇簇新糧廩前
賢同揖讓後賢共相於豈非仕與學融成一貫歟大府
報治最 天子笑曰俞擢之佐松江以彰循吏譽卓茂
三公服黃霸一丈車陸績鬱林石崇鮑勃支圖雍容將
去矣令郡大躊躇曰豈惟民哉邑乘未成書良吏與良
史惟公一身俱譬如婦持家薪米牛羊猶豈可無文簿
約畧存規模舊尹告新尹交替毋模糊先生俯而諾此
事良由余敢不觀厥成中道而棄諸乃居西河館大招
文學徒有筆大如椽有墨珍如珠巨不漏山川小石遺
村墟厥田輕肥土厥賦中下租圭撮無訛差羅縷窮錙
銖德化有邑乘從公作權輿至今班史筆照耀渾一隅

其時官廩薄民供頗有餘老者爭酒滑幼者抱籩條前
門擔媿鴨後門饋生魚家家推鶴鄰戶戶獻犀渠借公
又一年公駕才驅驅江右旣如此江左當何如歲星原
周天豈常照里閭春風成功退自然還太虛民雖無大
厦公自有蓬廬民雖愛保障公亦思尊鱸勸民毋留公
公行于公娛善人必有後天道良非誣不見公郎君紫
鳳翔高梧謝家誇寶樹穆氏號醴醕頃刻翔青雲餘光
照三吳今夕復何夕秋風吹芙蓉我同民送公千金買
須臾愧無千里酒爲公傾百壺愧無四絃聲爲公歌驪
駒且題陽城驛當書何易于

送滋圃新叅入都二首

調羹貴新手折柳愛故枝
新手悲人望故枝
悲人思我送莊新
叅誰能爲此詞
其詞多纏綿
卅載心相知
交公諸生日
送公作相時
諸生至宰相
迅若風輪馳
憶昔沈家園
隔花將公窺
也知公必貴
不料貴至斯
其時兩少年
結交惟恐遲
明年京兆榜
後年瓊林卮
聯鑣相追逐
直登蓬萊池
一朝我小謫
輪蹄遂參差
自道仙凡隔
重逢未有期
何圖一江水
天風吹聚之
我來訪烟柳
公來樹旌旗
雲泥雖不親
苔岑終相依
布衣情款款
舊雨談罪罪
黃扉一以去
白首何時歸
但見蒼生樂
誰知故人悲
鳳皇自高翔
閑鷗難遠飛
惟望台垣星
流光照幽栖
尹公督兩江
公來撫三吳
我曾以書賀
韓歐一時俱公

乃謙詞答僕也何敢居誘而至于道其在斯言歟果然
兩賢人仁風溢里閭忽焉雙雙去江左咸歛歛所喜同
調元八荒如庭衢豈有到蓬山而肯徒支吾公贈尹公
詩有蓬山
未到總支吾之句歷觀古賢相其道不可孤魏相以嚴治丙吉
乃寬舒如晦斷于後元齡謀于初何況本師弟衣鉢傳
有餘用心不妨同意見不妨殊殊則非朋黨同則相匡
扶如作遠猷告此詩彼則謨如歌卷阿詩前唱後則唱
曾見臯與夔致君如唐虞

相公眷屬先期入都枚入起居見白猫悲鳴公獨
坐凄然因以詩乞

烏間爲送主人行似抱離愁宛轉鳴繞座已無雲鬢影

聞呼還認相公聲也同遭愛甘棠好可許尋常百姓迎
小畜有靈應識我絳紗帷裏舊門生

猶來後又以詩謝

狸奴真个賜貧官惹得羣姬置膝看鼠避早知來處貴
魚香頗覺進門歡果然絳帳溫存久不比幽蘭服侍難
公賜詩寄語相公休念舊年年書札報平安

送高南疇觀察貴州

秋日馬蹄輕監司去石城黔陽新使節江左舊官聲地
僻荆書簡風和瘴雨清知公行色好一路萬山迎
愛我幽栖處高軒幾度過松花飄羽蓋卿月照烟蘿轉
眼誰知別深談悔不多相思盼天末江水有回波

八月二日莊滋圃新叅聞相公玉體有愆載酒延
侯拉枚同往

三江元老馳征輪三吳新叅訪故人爲載酒尊趨絳帳
仰承師意召同門十年不到舊山莊處處亭臺換夕陽
笑指芙蓉夸野色抱將嬌女拜平章八騶先唱花閒道
升堂隨後柴車到赤也端章黜也狂夫子難禁莞爾笑
後堂人盡去長安燕寢香消錦瑟寒未免離愁成小病
白頭閒坐把書看新叅風義高前古門生也作萊衣舞
只教諸語闌翻翻不許颺歌唱酸楚酒杯易盡意難窮
官鼓蓼蓼漏又終千秋莫忘今宵宴一个山人兩相公
哭莊念農太守

八面才無敵三生數忽終大名君世上小傳我胸中鬱
鬱匡時畧航航行已衷神機堪肆應圭撮極明聰決獄
弦章善均輸管子工迎鑾四回事借箸一人功心力
經營卑榮華頃刻空黃堂才綰綬紫府遽鳴驄學易年
非老當官氣正充交情深廿載佳話滿江東愛我詩親
寫招人饌必豐清光蕭寺月丹葉攝山楓洒翰千章和
挑燈一榻同每逢三令節各逞半英雄擬笛春聲艷藏
花酒浪紅可憐追往事倏忽過春風夢蛻莊周化逢雞
謝傳凶公與夫人同夢白雞青琴音渺渺逝水去匆匆
雨急摧湘芷霜高隕井桐故人零落盡孤殺一衰翁

哭潘字情

安仁愁裏過年光才領河陽便天亡老子生來居苦縣
召公到處有甘棠花方得氣偏經雨雪已禁寒可耐霜
破屋孤兒存幾個一枝瓊樹又凋傷

公次子相繼而沒

哭陸錫涓君

抱汝孩提看汝婚悠悠三十五年春病因傳代醫無效
姊夫康仲亦以瘵卒詩已名家筆有神半世撫孤成底事他時送
舅望何人憑棺忍聽輪流哭稚子孀妻白髮親

聞梁瑤峯少宰解督學之任就按粵東寄詩奉懷
海角文星去江東士子嗟莫驚廷尉問且看嶺南花沙
檢金才出霜消月更華天心寬小過早晚聖恩加
記得高軒過秋風八月清金燈千樹滿玉笋一班迎未

極登臨興先增搖落情何時鵲鴛侶重續女蘿盟公到日正
園中有多士之宴皆公門下士也有爲兩家議婚者故

九月六日送相公起程路上奉呈十首

恩在江南四十年山光水色盡纏綿行期偏近重陽日
剛趁黃花晚節天

冠蓋依依送石城相公謙甚下車行長亭望斷旌旗影
相對唯聞歎息聲

四次甘棠手自栽韶光如水暗中催尚存幾個皤皤叟
曾見公來第一回

先生微笑出江關先別蒼生後攝山真个精神似秋月
去時還照水雲間

會寫青山入奏章曾開池水待 君王從今儘把經營
意付與閒人話夕陽

光景留連兩日中弓刀小隊去匆匆只因染遍軍民淚
楓未經霜已半紅

渡江時節正題糕兩岸秋風送晚潮恰似栖霞情未斷
最高峯影尚相招

小艇追隨笑語親揚州明月二分新歐蘇遺跡平山在
如此師生有幾人

此去秦郵有所思當年曾此薦袁絲而今同唱驪歌過
腸斷蘆花似雪時 公昔薦枚高郵牧部議不果

絳紗回首最消魂半世因緣半世恩且喜身閒堪遠送

燈前還有幾黃昏

送相公渡淮尚未拜別而入駟忽駕遣使者來辭
舟追不及愴然有作

畫戟飄霜去莫追先生辭我我能知爲憐終有分襟日
不忍重看下拜時秋水連天含睇遠孤雲離月獨歸遲
短篷細雨清江路白盡彭宣兩鬢絲

錫山兩賢吏歌

錫山之水如錫明錫山之官如水清一賢如此已難得
况復兩賢濟濟齊其名我飲惠山水人歌兩賢美一爲
吳季札一爲韓宣子吳公未見情何篤先惠甘泉四十
斛韓公見我拉我遊一船酒載青山頭山頭十月朔風

爽紅葉千林足幽賞六龍才過御香留雲璈水瑟琤琤
響三人相聚情不禁談落霜花一寸深舟中看我揮手
別岸上始聞騶唱音我聞挂笏看山非俗吏便覺西來
有爽氣又聞前有召父後杜母兩人未必同時友于今
兩仙鳬飛來集一邦左琴旣彈右瑟應玉簫才畢金鐘
撞還來合浦珠成對種出甘棠樹必雙郝子廉吳隱之
當時都以飲水知我今逢兩賢亦願置一詞安得公等
落落布置天下滿紉使廉泉讓水處處長相思

雨過湖州

州以湖名聽已涼况兼城郭雨中望人家門戶多臨水
兒女生涯總是桑打漿正逢紅葉好尋春自笑白頭狂

明霞碧浪從容問五十年來得未嘗

竹墩訪沈永之同年不值其尊人留飲家釀惠方
響一方

桑柘成陰處芸香舊世家沿村無異姓繞屋有奇花

外窗

玉蘭高
三丈

御筆金泥冷藏書玉冊斜桃源兼錦里別自

貯仙霞

題鳳雖無主儒林見丈人當年曾拜謁此日倍精神
話聽三朝舊春開一甕新石交風義重清響贈裝賓

烟波如此好底事山山忙想爲家貧仕兼酬海內望官

登二千石婚到第三郎

三公子令
卷有期

代作焚香薦旌旗近

故鄉

仙源難久住，回艇板橋西。
霜葉堆蓬滿，溪雲壓擗低。
小留愁日短，重訪怕花迷。
暮雨南湖宿，聲聲凍雀啼。

到淮感故人寥落歸舟口號

當時丁令威，千年化鶴歸。
山川城郭今猶昔，雞犬人民都已非。
我離長淮十一載，重來絕少晨星在。
西州馬過屋猶存，金谷花開春不再。
晚甘園中水石新，當時主客營爲墳。
江桂堂中萬卷書，于今寂寂他人居。
魚程家諸郎俱長大，紛羅酒漿邀我過。
各驚容貌類先人，不忍杯盤當舊座。
山陽玉笛聽不休，銅狄摩挲我欲愁。
那知浮世光陰改，只說前生夢裏遊。
淮風蕭蕭催我行，淮水悠悠傷我情。
我亦不知再來否，將欲登舟又回首。

常州月夜與劉繩菴相公話舊作

宮門作別九年寬握手蘭陵夜已闌上相位尊風義重
華堂燦暖月光寒朝中盛業憑人說袖裏新詩索我看
姚宋經綸燕許筆一時雙取古來難

江湖廊廟兩相憐回首長安意惘然召試彤廷同弱冠
追陪詞館僅三年鶴書尚在徵車朽馬齒雖輕白髮先
不覺纏綿情話久出城鐘動曉霜天

冬日寄懷望山公

去年此際雪花飛正是傳箋聽馬蹄金谷酒招香案客
霓裳人舞畫堂西隨身文史同商榷到處羹湯教品題
公命將羣官膳今日龍門看不見九重天遠五雲低
飲戲加甲乙

長安消息最關情傳說光榮壓九卿白面郎君登少宰
青宮 帝子喚先生公子慶桂擢少宰 公總領上書房 園依上苑春應
早殿領文華品更清未識門牆人似海紀 恩詩好是
誰磨

到蘇州婦女出見喪服將終而年才十九傷懷口
號

漠漠風寒錦瑟絃飄飄鬢髮尚垂肩傷心三載成婦女
還是人家未嫁年

十一月十三日韋疇五副戎率公子虎邱餞別遣歌
者張郎送歸白下別後却寄

平生踪跡等浮鷗半世河梁在虎邱誰泊燈船來置酒

姓韋人又領蘇州

夜色溪光兩寂寥山門同步可憐宵千人石作瓊瑤色
坐久還疑雪欲消

膝下郎君玉雪清丹山久聽鳳雛聲今朝省識青雲器
羊祜金鐙耳尚明

公子耳上有環

難得張星結伴歸霜蓬同泛月明時江心還似尊前坐
萬點烟波笛一枝

師健尚書最忝宿眷來主武關而枚還杭州不獲
一見寄詩道歉

仰止心雖切瞻依願屢違春風江上至遊子故鄉歸北
望雙旌遠南征一雁飛遙知明月色空照釣魚磯

尚書和詩

白下逢君日金貂願已違吳江開墅僻太華抱雲歸
對酒月相照揮毫花亂飛數年不一見搔首望漁磯

過杭州貢院作

風簷官燭舊時遊彈指人間四十秋燒尾魚行三萬里
龍門重過尚低頭

題凌香坪中吳祿記

五載卑橋字萬行雲階月地苦平章左思賴有吳都賦
不負繁華夢一場

竹林人散管絃停向秀重來淚欲零月夜橫塘花似雪
笛聲孤坐酒樓聽

鴻泥回首昔年緣我亦金閨屢放船底事酒旗歌扇地
不曾逢着杜樊川

衾

裁縫合歡被宛轉可憐宵與汝真無負多年不早朝

枕

鴻寶書何在游仙曲已闌只求無好夢轉覺醒時安

几

烏皮形兀兀南郭隱騰騰世上諸朋友誰如君可憑

席

青蒲涼自好赤日始相求容汝終宵卷應知世上秋

帶

驅塵君子意愛好主人情掃到落花雪呼僮下手輕

箸

笑君攫取忙送入他人口一世酸醎中能知味也否

老住

老住空山歲月更閒思物理最分明青苔避日葵爭日
同領春風各性情